

INUIT ATAQATIGIIT INATSIARTUNI



UKA2025/171+172

16.Okt.2025

Mariane Paviassen Jensen

Meeqqat 18-inik ukioqalernissami tungaanut pisortat ingerlataannik angalatitsiviit aqqutigalugit angalasussaatillutik meeqqatut akeqalernissaat, aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allanngortinnissaannik tunngaviliissaaq, kingusinnerpaammilu UPA2026-mi inatsisartunut saqqummiunneqassalluni.

(Inatsisartunut ilaasortaq Jens NapãtôK, Naleraq)

Soraarninngornikut pisortat ingerlataannik angalatitsiviit aqqutigalugit akikinnerusumik angalasinnaanerat ukioq naallugu atuutilerpat aammalu soraarnerussutisiaqartunut billetsit ukioq kaajallallugu killeqanngitsumik pisiassaasinnaalerpata, soraarnerussutisiaqartut akikinnerusumik angalasarnerannut malittarisassat allanngortinnissaat siunertaralugu, qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq kingusinnerpaamik UPA2026-mi inatsisartunut saqqummiunneqassaaq.

(Inatsisartunut ilaasortaq Jens NapãtôK, Naleraq)

Oqaaseqaat.

Siunnersuutigineqartut soqutiginarlut qinigaaffik kingulleq qaqinneqartut aammaarlugit siunnersuuteqartumit qaqinneqaqqipput.

INUIT ATAQATIGIIT INATSIARTUNI



Siulleg meeqqat 18-it inorlugit ukiullit angalanerminni meeqqatut akiliisinnegartalernissaaannut tunngassuteqartuuvoq,

Arctic Umiaq Linep, Air Greenlandip, amigartoorujuteqarujussuarlutik ingerlalnikuusunut politikkikkut aalajangersaasarnerit kingunerisaat iluannngilaq.

Angalaniarluni inniminniiniaraanni periarfissat tamanut ammanngillat, angalatitseqatigiiffiillu immitsinnut sullinnerulersimanitsinni allaat akiliisitsisarlutik ingerlalnikuupput, assersuutigalugut Arctic Umiaq Line-p qarasaasiakkut inniminniiffissakkut inniminniiniaraanni qaavatigut 90,00 kr.-nimik akiliisitsisoqartarpoq.

Angalaniarnerup nunatsinni akisunerujussuata kingorna mittarfissuit aningaasarpassuit atorneqarsimasut nunatta inuisa atorluarsinnaanngilaat, ilaqutariit anaanaq ataataq meeqqallu marluk angalaniarunik meeqqat 12-eereersimagunik, angalaneg isertitakinnernut ajornakusoortorujussuuvoq, Kalaallit Nunaani angalatitseqatigiiffiata neqeroorutaa ilaqutariittut angalaneg 50%-imik sipaarfiusinnaanerarneqartoq, internettimut attaveqarnissaq pisariaqarpoq, tassunalu aatsaat saaffiginnikkaani allakkatigut qanoq akeqarnerisq paasineqarsinnaalluni, ila angalaniarneq nunatsinni ajornakusooqaaq, nioqqutissat akii qiviaannaraanni ajornarluinnarluni.

Maluginiarnartuuvoq ulluni makkunani timmisartuutileqatigiiffik nunatta tamakkiisumik pigisaata juullilerneranut neqeroorutaa, qulequtaa nuannaajallannaraluaqisoq, taammaatoorli qallunaat nunaaniit qallunaat nunaannullu nuummiit angalaniartunuinnaq atuuppoq. Tamanna ajorluinnarpoq, nunattami iluani angalasinnaanerup akisunerujussua qiviaraanni equngasorujussuarmik ingerlatsinerusoq oqaatigisariaqarpoq.

Diskolinekkut taakkuupput toqqaannaq nittartakkaminni utoqqarnut akikillissaasuusut.

INUIT ATAQATIGIIT INATSIARTUNI



Utoqqartatta utoqqalinersiaat qiviaraanni utoqqaat sipaggarilluinnartut kisimik angalanissamut periarfissaqartarput, ilaatigut ilaquttaminniit taperneqarlutik angalasinnaasarput, amerlanerpaalli angalajuitsungajaasutut misinnartuupput. Naak ilaatigut utoqqaat angalatitseqatigiiffiit ilaanni akikilliiffigineqaraluartut. Assersuutigalugu Nuummiit Narsaliarniartunut 62-issileereersimalluni siumuinnaq akikinnerpaaq, 5000 kr.-nit miss. akeqarpoq, ukioq mannamut aningaasaliisutit 4.5 mio. kr.-nit utoqqarnut akikillisaatissatut aningaasanut inatsiikkut aningaasaliissutaasimasut nungoreersimaneramik utoqqartut inniminniiniaraanni akia qaffasissorujuusuarmiippoq, tamanna ilisimaqqissaangilara tupinnaqaarli taamak akisutigisumik utoqqartatta angalaniarunik akeqartinneqarnerat, ukiullu tullissaannut inatsissatut siunnersuummi maanna siunnersuutigineqarpoq aningaasat 3.300.mio. kr.-nit Air Greenlandimut saniatigut utoqqarnut akikillisaatissatut tunniunniarneqartut.

Ukiut tamarluinnaasa aningaasanut inatsit aqputigalugu angallannermi kiffartuusinissamut isoqatigiissusiorsimasunut aningaasaliisarnerit ingerlanneqartuarput, 2024-imi 198.500 kr.-nit 2025-imi 200.675 kr.-nit ukiullu tullissaannut Naalakkersuisut aningaasanut inatsisissatut siunnersuutaanni aningaasat 189.100 kr.-nit, tassani maluginiagassaq unaavoq Qaqortumi mittarfissaq ammarnissaa naatsorsuutigineqarmat taamaalilluni aningaasartuutikinnerulaalernissaq naatsorsuutaalluni. Mittarfiliortitsernerit siunertaat tassaasimavoq angalanerup inuiaqatigiinnut akikinnerulernissaa. Ajorluartumilli Nuup mittarfiata ammarnerata kingorna maannamut akikinnerusumik angalasoqarsinnaanera innuttaasunut malunniutinngilaq.

Soorunaana ingerlaniarneq ajornakusoortaqili. Patsisigineqartuarterlu tassaavoq nunarput isorartuujummat, angallassassat amerlanngimmata akit qaffasittariaqartut.

Siunnersuuteqartup siunnersuutaa tapersernartuuvoq, naak Air Greenlandip ukioq manna amigartooruteqarnissaminik naatsorsuuteqaraluartuq

INUIT ATAQATIGIIT INATSIARTUNI



angallannermi

pissutsit

tamakkiinerusumik

misissuiffigineqartikkusunnartuugaluarpur.

- Arctic Umiaq Line-p umiarsuartut ukiussani qaangerlugit sulilu ilaqqiisaqattaarnermik ingerlatinneqartup qanoq iliorniarfigineqarnera sulil isisimannngilarput, tamannalu ilisimasariaqarparput.
- Air Greenlandip amigartooruteqarnerujussuata suliffeqarfiup iluani sipaarfiusinnaasut suussusersineqarsinnaappat?
- Diskolinekkut angallaseriaatsiminni naammaginartumik sullissinikkut utoqqarnut pitsorluttunullu sullissinerat qanoq ittuuva?
- Nordlandair-imi angallassineq iluatsilluarpa?

Aningaasanut inatsisissatut siunnersuummi itisilerlugu paaserusunnarpoq utoqqaat akikillisaaffigineqarsimaneranut Air Greenlandimut aningaasaliissutit:

1. Qanoq atorineqartigippat?
2. Atuisussanut ersarissumik paasissutissiissutigineqarpat?
3. Utoqqaat qanoq namminneerlutik angalanissamut inniminniinissamut periarfissaritigippat? Internittikkut kisimi? Angalatitseqatigiiffikkut? Taamaaliorneq immikkut akeqartinneqartarpa?

Taamaalilluta siunnersuuteqartup siunnersuutaa meeqqat 18-iliinissaasa tungaanut, utoqqaallu akikillisaaffigineqalersinnaaneritut tunngasut taparserparput, apeqquutillu qulaanni taakkartukkat eqqarsaatigalugit ataatsimiititaliamut susassaqartumut siunnersuut ingerlateqqipparput.

Qujanaq.